



Hermannus Germanico sanguine oriundus, & Veronensis dominus omnis generis uirtutibus & insigni animi & corporis fortitudine fuit præditus. Cum itaque Fridericus Barbarossa Cæsar eius cognatus Romam cum exercitu proficisceretur, Hermannus eum secutus est, atque plurima indicia suarum uirtutum exhibuit. Hoc modo Cæsari & principibus gratissimus factus, ex Italia in Germaniam redeuntes comitatur. Cum autem Germania & in primis Rheni tractus summopere Hermanno placeret, cum Imperatore agere cœpit, ut Verona recepta huius terræ partem sibi possidendam daret. Commodè autem tum Iuditha uirgo e-

rat, cui hæreditate comitatus Badensis & Hochburgensis cesserat. Itaque Imperator eam suo cognato despondit, atque Marchionem Badensem & Imperij principem constituit. Is postea Hermannus pietate & prudentia conspicuus magna dexteritate suam ditionem gubernauit, atque Imperatori in rebus difficilimis armis & cõsilijs fortiter adhæsit. donec tandem annis & laboribus exhaustus, ex hac uita migrarit, atq; filijs suis Vuernhero, Rodolpho, & Alberto patri similimis principatū tradiderit, ex quibus illustrissima familia Marchionum Badensium orta, quæ etiamnum magna gloria rebus ibi præfunt. Monst. lib. 3. Germania. Eorum Genealogiam subiecimus.